

Segun Gobierno:

Educacion di mucha y hobennan ta existi mas di maestronan y Gobierno ta percurando cu programa di capacitacion

ORANJESTAD (AAN): Educacion awendia ta rekeri mucho mas di un maestro di school, cu solamente duna-

mento di les, ya cu e influencia di sociedad riba desaroyo di mucha y hobennan, ta totalmente diferente cu den pasado.

Egberto Werleman di A.D.N.: DICON AVP A TARDA 15 AÑA PA IMPLEMENTA Y EHECUTA E LEY DI ENSEÑANZA OBLIGATORIO

ORANJESTAD (AAN): Segun Egberto Werleman di ADN, un di e preguntanan cardinal cu nos pueblo ta haciendo e dia aki ta dikun a tarda 15 aña pa implementa y ehecuta e Ley di Enseñanza Obligatorio (L.E.O.).

Mientras cu LEO ta un punto esencial di programa di partido AVP y partido AVP tabata den gobierno 9 di e ultimo 15 añanan den gobierno nunca partido AVP a haci e ley aki un prioridad. Den e articulo aki mi kier purba duna un contesta pa nos pueblo por comprende mihor e situacion.

CONSECUENCIANAN DI LEO: Apesar cu nos no tin cifranan actualisa mi ta kere cu na Aruba sigur mester tin 3000 hoben cu no ta bayendo school. Tanto local, yunan di stranhero y ilegal. Na momento cu e Ley di Enseñanza Obligatorio drenta na vigor tur e hobennan aki mester bay school. Si bo ta papia di 3000 hoben, kiermeen bo mester di alrededor di 150 klaslokal extra. Esey kiermeen cu hopi school mester worde expande y hasta bo tin mester diferente school nobo mas. Si cada lokaal nobo ta costa alrededor di 100.000 Florin sin infraestructura, bo ta papiando di un inversion di sigur un inversion di minimal 15 milyon pa 20 milyon Florin extra. Tambe bo mester tene cuenta cu e gastonan di mantencion di school y salario di maestro. Tur e gastonan aki ta yega na millones di Florin extra pa aña.

NO TIN PLACA! E realidad ta cu gobierno no tin placa!!! Despues cu gobierno y su compinchinan a djo-djo y goza cu placa di pueblo

placa a caba. No tabata tin placa mas pa cumpli cu necesidadnan di pueblo, manera fliet pa mata sangura, pa taira pa auto di polis y ambulans, no tin placa pa enseñanza te school a habri cu school sin dak, mucha riba vloer y den barak. Hasta un yotin no tin pa papel di W.C..

Pa drecha situacion gobierno a bin cu plan di ahuste y sanacion: PAGA BELASTING Y MURI!! Ni nos ruman incapacita a scapa e cuchieuw di e gobierno aki.

Ya no ta suficiente mas pa presenta e les na e alumnonan, duna nan tarea pa haci y mira si esakinan ta bon, pero ta rekeri mucho mas.

Gobierno pa algun aña caba ta financiando varios programa di capacitacion di maestronan, y cual programanan lo sigui ser duna den añanan cu ta bin, mirando tur desaroyo cu tin, no solamente riba tereno educacional, pero tambe riba tereno social.

E maestro awendia ta mucho mas cu maestro, y den hopi caso e tin cu actua como amigo, ruman, mayor of confidente, ya cu e presion social riba nos mucha hobennan, tin su efecto principalmente den oranan di school, caminda e muchanan ta masa gran parti di dia.

"Gobierno ta financiando varios curso y tambe ta percurando pa nos maestronan sigui desaroya nan mes riba diferente tereno, cu ta necesario den nan funcion como maestro di school.

Un di e mayor problemanan sin duda algun, ta e cantidad

di maestronan, cu na e momentonan aki no ta suficiente, loke ta pone cu tin lokaalnan cu demasiado mucho pa un solo maestro.

Ta bini acerca cu ta birando mucho mas dificil pa haya maestronan na Hulanda pa bin traha na Aruba, ya cu na Hulanda tambe tin mesun situacion, esta cu e fluho di maestronan, compara cu crecimiento di alumnonan, no a cuadra ultimo añanan.

Sinembargo Gobierno lo sigui busca alternativa, bin cu programanan, no solamente di capacitacion, pero tambe di motivacion pa nos maestronan," Minister Mary Wever Lacle, di Enseñanza y Labor ta mustra.

E situacion cu tin na e momentonan aki, no ta uno cu lo ser solucionado a corto plazo, ya cu mirando e desaroyo cu nos paois ta pasando aden, den proximo añanan esaki lo sigui den mesun direccion, esta cu e demanda lo ta mas grandi cu loke directivanan di school, Gobierno y maestronan lo por provee.

"Nos ta bibando den un era di

cambio, di presion continuo poa mayornan riba diferente tereno y e presion aki ta bay tin su influencia indiscuti riba comportacion y formacion di nos muchanan.

Sinembargo Gobierno ta consciente di esaki y nos ta percurando cu diferente programa pa keda al tanto di e exigencia aki, pero lo rekeri mucho mas cu involucramento di e maestronan y di Gobierno, pa logra un educacion y formacion di nos hobennan manera mester ta.

Tur hende cu tin responsabilidad paternal ta consciente cu nan responsabilidad awendia ta rekeri mucho mas cu algun aña atras, y ya nos no por limita nos mes na solamente e situacion na cas, pero ta responsabilidad di nos tambe, pa duna un aporte na loke ta e educacion escolar di nos muchanan.

Comunidad tin cu traha hunto, riba tur tereno y educacion sin duda algun ta un di esnan mas importante caminda e cooperacion aki tin cin amplia su mes mucho mas cu antes."

DREAM TEAM!!

